



雙雲堂詩稿卷五

甫上筆山范光陽著

年家子鄭性閱

慈水寒村鄭

梁選

男廷諤廷彥較

七言律詩

同張爾超飲士昂姪齋中

尊酒相逢客自歡  
共懷往事忽悲歎  
十年始就張衡賦  
今日誰憐范叔寒  
劍拂飛霜孤膽在  
酒澆落魄故人殘  
不堪後夜思君處  
總爲風塵行路難

來青園荷花盛開士昂許攜酒共賞詩以速之

雙雲堂詩稿卷五

一

排闥青山別墅多  
芙蓉的皜近如何  
紅裙小艇誰家女  
白紵輕槳盡日歌  
已許蕙漿承玉露  
未聞蜜勺瀉金波  
遲遲若待秋風起  
愁見寒塘斂翠蛾

己亥元日書懷

藍尾杯傳第七人

居蘇酒讓少者先飲余自  
大父而下逆數之正第七

相逢莫

負此芳辰江梅送臘猶飄袂  
堤柳回春欲拂巾  
列炬五侯驕歲序  
獻椒一介識君親  
壯懷豈爲窮愁改  
不藉桃符葦索新

藉桃符葦索新

元日遇雨復咏

履端雲物卜陰晴太史天官費討評萬竈曉烟迷曲  
道一川微雨入高城朝廷盛典方祈穀寇盜荒陬  
莫弄兵謾說書生疎國計憂民轉爲歲華驚

春日郊行

隔岸遙山映翠微况逢晴日弄清暉未舒岸柳牽行  
騎故遣江梅點客衣隨意杯盤且共樂多情鷗鳥自  
相依行行忽到疎籬外藉草閒眠又懶歸

庚子秋日書懷

春暉寸草念慈親更有高堂白髮人一壑望雲何日  
事廿年流水舊時貧膝前文若疑非我檄捧盧江媿  
此身同學少年多得意莫將蔬水怨高旻

二十餘年萬慮空從前自悔學雕蟲莫誇得句因义  
手須信全軀在折肱心緒好同泥裏絮行踪休指雪  
中鴻茅堂盡日跣趺坐愛聽鄰僧起暮鐘

往事驚心免較量閒來隨意閱縹緲少年賈傅空悲  
漢下第劉生不救唐北去烟波增易水南來風雨泣  
瀟湘何如高臥蝸居樂饒得書城與墨莊

秋風蓴菜憶張翰不是秋風意已殘裁得短函憑犬

寄莫將長鋏爲魚彈生涯自有書千卷身外無營竹  
數竿銅柱難消惹改謗總因嬰鏢試雕鞍

過羊流尋晉羊太傅墓

徂徠山北積黃雲下馬來尋太傅墳陰洞狐狸窺白  
日古祠燈火接斜曛當年鈴閣須公等他日樓船渡  
北軍誰料吳平遺恨在羊車宮巷暮紛紛

太傅輕裘緩帶儒將風流至今猶可想見平吳之  
役贊之者張司空成之者王龍驤而規畫固悉出  
于太傅及吳平而武帝躬于遊豫詔選良家女五

千入宮又選吳伎妾五千史稱掖庭殆將萬人良  
不誣也乘羊車恣其所之宮人競以竹葉插戶鹽  
汗灑地以引帝車而帝亦遂謂天下不足慮矣嗟  
乎以乃祖父百計竊取之天下一旦付于癡兒健  
婦之手洛陽丘墟銅駝荆棘回視鐵鎖朝沉降帆  
夕至正堪伯仲耳外寧必有內憂惟山公此語實  
爲諸賢所不及然太傅不云乎吳平之後當煩聖  
慮則固已早計之矣余故憑弔太傅以爲遺恨在  
此太傅有知當亦首肯癸卯臘月望日金臺寓中

再識

旅次見吳下女郎陳媚娟題詩壁上情詞悽惋  
感而賦之

青閨不慣別離傷壁上題詩欲斷腸楊柳玉關愁路  
遠梧桐金井恨秋涼文迴織錦情難盡調入箜篌意  
愈長我亦薄遊歸未得可無其雨怨朝陽

感懷

衡門跼伏了平生底事驅車向帝京三賦每思陳

杜甫四愁空自嘆張衡殘碑嶽廟留前代

廟中多宋元明碑

雙雲堂詩稿卷五

四

截句旗亭記賤名

余每日以詩題旅壁

此去長安尚千里遙遙

霄漢蠹金莖

大風晚宿平原

朔風獵獵捲塵沙匹馬籠鞭日影斜纔覺荒原歸野  
憤轉多疎柳集寒鴉客懷乍喜趁城郭遠道還疑老  
歲華燈火旗亭人臥後又添歸夢繞天涯

寄家書

一紙書隨朔雁飛南來消息兩相違高堂夢繞長安  
月游子寒侵故國衣極目關山多不斷驚心烽火近

應稀開械若問刀環約爲報春歸人自歸

元日

去歲辭家向 帝隅又逢春色轉平蕪一尊自貰屠  
酥酒萬里同懸度索符夜半火城看電繞日高紫殿  
憶嵩呼獨憐底事徒爲客故國辛盤近有無

舟次臨清

扁舟觸熱下清源有夢先教到故園兩度書來兄臥  
病十年裘敝我消魂况逢旱甚停帆影未得潮平看  
漲痕兀坐蓬牕寥寂久濁醪何處問江村

自出京至清源俱無

佳釀

客久有懷故園

別業蕭然近水旁高梧修竹讀書堂但思耕釣供親  
膳何事馳驅到 帝鄉荒徑尚餘人似菊倦遊猶喜  
髩無霜從今賦就還山句歸臥茅簷看夕陽

過張秋觀黃河舊決處

路入張秋向晚過舟人猶指舊黃河當年曾溢荆隆  
口今日如傳瓠子歌總銜未能歸御府金錢先自委  
狂波冀州禹服稱膏壤我欲滄瀛藝稻禾

積雨初晴繆聖簡攜尊邀同人遊虎丘

天爲遊人卽放晴畫船簫鼓逐波輕四圍空翠尊中  
落一縷荒烟雨後明入寺有山當戶牖傍崖飛瀑溼  
堦楹重經舊日題詩處石上蒼苔與字平

余去冬兩至虎丘有

詩紀之

吳門七夕和林萬葉韻

闔閭城外繞吳江吹得江風半入牕瓜熟青門陳綺  
席酒分白墮照銀缸天邊日暮襄成七客裏交疎影  
獨雙遙想故園今夜月有人高閣盼歸雙

雙雲堂詩稿卷五

六

吳門寓中醉後解嘲

暮雨青燈客思遲散愁無計酒偏宜尚輸玄石千朝  
醉已過平原十日期車轄可投非俗物唾壺幾缺爲  
新詞不堪骯髒難消處頻拂吳鈎感髻絲

訊張又陶病兼柬其族姪梅先

送君五月都門道伏盡扁舟到故園定擬著書登水  
閣

又陶與梅先有湖樓讀書之約

忽聞臥病滯山村長鏡且斲松苓

去短札頻看鴻雁翻寄語城中小阮在新詩誰與論

黃昏

憶長安舊遊三首

去歲長安二月時，雪消楊柳發青枝。  
攜錢且醉荆卿市，騎馬還過太液池。  
客久漸忘遊子恨，詩成獨有故人知。  
如今歸臥滄江晚，南北關河總繫思。

毘盧高閣出皇州，十日騎驢每一遊。  
松老欲隨風雨去，鶴閒長爲主僧留。  
顏公舊帖傳爭坐，杜甫新詩未遣愁。  
又陶買得爭坐舊榻而余欲市杜集不果一自尊鱸歸興好，不堪回首暮雲稠。

玉河春暖水融融，曾約同人步曉風。  
歌發雙鬟皆塞

雙雲堂詩稿卷五

七

北書憑一雁，自江東。天涯杯酒真須醉，海內文章豈獨工。  
自信升沉緣物理，阮生何事歎途窮。

郊行

午餉郊西舊草堂，閒穿曲徑度迴塘。  
麥苗雨過初添綠，菜甲寒多未吐黃。  
客醉尚邀比舍酒，僧歸遙共野人航。  
更逢鄰叟談疇昔，相對青山送夕陽。

同人集黃過草堂

背郭茅堂竹樹深，地偏暑氣散青陰。  
燕穿曉幙知人靜，鶴避閒亭有客臨。  
半簾涼風徐入夢，一尊斜日尚

論心棹迴須憶前村路  
菱熟荷香取次尋

同禹梅諸君過毛氏書館有述

二月已過三月來  
強同朋侶踏蒼苔  
借書初到南村去  
看竹還從西郭回  
壁上幾人詩格好  
鄰家何處酒杯開  
不如歸坐茅簷下  
殘墨餘綸手自裁

王石南鄭禹梅過訪有作

古城斜照落郊墟  
獨倚高樓望小車  
知汝叩門驚野鶴  
呼童沽酒覓江魚  
論交今日唯公等  
作賦何人諷子虛  
醉後好乘新月去  
柴門不閉竹陰疎

張梅仙病起家園留飲園卽施總戎舊業

臥病園居絕屐痕  
喜君今始歛柴門  
高梧礙日依荒井  
新竹迎風出短垣  
此地經過悲往昔  
故人相見少寒溫  
縱譚不覺壺觴盡  
落日林塘宿鳥喧

同鄭禹梅至黃過草堂

幾日思君得見君  
悶懷如撥嶺頭雲  
劇知會面無他語  
更覓何人好論文  
小巷兒童迎過客  
荒田烏鵲噪斜曛  
此行不覺茅堂近  
難燭銜杯到夜分

斜日閒庭揖故人相看一笑夢中身倦游始覺因游  
悞避俗寧能與俗親共有高堂驚白髮絕憐秋野異  
青春散愁祇藉牀頭酒喚取兒童灑百巡

卽事

近傳計吏出楓宸六月完租事轉新豈有陽城甘下  
考誰爲鄭俠訴流民江鄉半歲雙逢早海國中宵尚  
有燐廿載東南兵燹後黍苗陰雨是何人

贈鄭禹梅

虛走人間四十年放翁此語爲余先如君今日科名  
早要看平生道力堅花發江村方爛熳酒逢燕市易  
流連直須盡掃時人習突兀真吾在眼前

相期學道已三年一舉寧論後與先入室姚江吾學  
淺傳燈濂洛爾心堅希顏便可爲伊尹讀孟方知異  
魯連出處不殊名實別還須細論一樽前

同陳葵獻暨學子陳允吉觀西郊諸墓

秋盡郊原刈草萊尚餘高塚鬱崔嵬古人骨與名俱  
朽今日君同我一來空有紙錢增鬼窟何曾杯酒到  
泉臺悲歌又恐傷懷抱急棹衝波去復回

余將有躬耕之意作詩簡萬充宗

微雨孤城打四更起噓竹火熱茶鐺倦遊心似寒灰  
死得意人如曙鳥鳴廢隴躬鋤皆事業異書抄讀畢  
平生此情欲共西村萬負耒春深學耦耕

高閣

終年高閣冷如秋况復秋風拂檻流應節黃花宜冉  
冉避寒燕子自休休刪除綺語歸平淡謝絕名場事  
遠遊猶喜身無長物在一肩襪被一扁舟

留別王文三

去年送子猶昨日今歲別君苦雪風時如燕雁行相

避跡若參商心自同講席半分南北地書程先計路

途中

余有書程一冊  
記逐日課程

定知別後工夫切一紙書來爲

發蒙

雪中萬公擇充宗季野同其猶子貞一枉顧時

余將北行煩道意梨洲先生

雪壓寒江兩岸明孤舟如畫坐來輕千年幸續山陰

與萬里愁爲京國行戢嶺擔書斯道重

余北行攜有  
子劉子遺書

龍堆入望夢魂驚

先生廳事聯用柳道  
傳隱現白龍堆之句

煩君報語黃

夫子絳帳春風倍悵情

紀夢

對月孤舟憶故鄉夢成剛在老親旁衣添雪後商寒  
燠路盡江南問短長

夢中事

欸乃漁歌方入枕沈瀾客

淚忽霑裳計程尚有二千里夜夜思親夢未忘

北行暫留姑蘇追憶舊遊有作

當年觸熱出燕京七夕經過閭闔城曾爲歸舟題夜  
月何期驅馬聽春鶯寒山依舊鐘如昨笠澤而今水  
漸平莫道客遊真慣久百回來往亦關情

憶祖

雙雲堂詩稿卷五

七

老祖臨流送阿孫蕭蕭白髮郭西門此時轉面添清  
淚終歲關心在夢魂書寄平安如粟粒杖攜靈壽過  
江村八旬有五人間少溫清還須細講論

憶母

慚愧漂零客路身寸心何計慰慈親曾經舟楫方知

險

時黃河覆舟

宵守田園未算貧六十八年宜健飯四千

里外欲歸人相期已在春風際再拜庭前話苦辛

哭叔父岳長公

驚心書自故鄉來叔父曾聞廢酒杯五十始衰須藥  
裏一春將盡忽泉臺高堂白髮愁難盡遊子青天哭  
幾回南北遂成生死別黯然懷抱向誰開

京師遇武進士烏又韓以春草先生集見貽

春草文章自噩公江濤明月譽無窮三年曾憶黃師  
語一日欣逢燕市中鄉里後生忘姓氏羈栖孤客嘆  
宗工吾家尚有存笥本欲爲先生較異同余家抄本與刻本有異

瀛海卽事和韻

雙雲堂詩稿卷五

三

斜日疎櫺紙半紅又看庭樹晚搖風手拋倦筆留殘  
墨人倚孤燈數斷鐘過眼文章聊復爾論心朋侶得  
相逢廣川亦是河間地獨有天人策最工

午日書懷和劉士雅韻

歸期一紙話難憑余向約午節後還家異地蒲觴醉不勝別緒

恨長綵縷短倦游懷冷積水層衙齋拘束樊中鳥土  
炕跣趺定後僧挾刺禰衡羞作客拂衣東海看雲升

寄鄭禹梅二首

素衣兩載浣京塵愁折垂楊送遠人別去總難要歲

月書來不獨惜沉淪煤添土銼看行卷雪壓僧廬怯  
臥茵旅食辛勤綠底事成名聊且慰雙親  
年來行脚分南北轉憶郊西舊草堂落日清江過小  
艇殘燈高閣共匡牀未甘身與侏儒飽坐使人驚故  
態狂此意明明猶在眼何時重話一更長

贈陳翁七十

千章夏木俯衡門野寺橋連水北村白髮龐眉古居  
士青衫玉質好兒孫靜宜醇飲當深醉閒有枯棋可  
共捫此日懸弧高會罷青山岸幘倚乾坤

雙雲堂詩稿卷五

三

和鄭禹梅雨中見懷韻

跌坐茅堂絕見聞竹聲松影任紛紛靜觀已覺原無  
我遠別難忘獨有君肯寄詩篇因夜雨尚斲筆墨是  
烟雲寒村鶴浦歸來早觸熱乘舟未得勤

同張心友過孫氏書齋看宋元墨蹟

學書曾說墨池渾未必書評定此論骨力我看蘇學  
士風流人愛趙王孫崢嶸嶺海留詩筆零落天涯斷  
墨痕文敏公子仲穆好畫蘭張伯雨題曰一自國香  
零落後王孫芳草徧天涯仲穆遂絕筆不作  
好似詩篇人不少淵明一字亦須存

坐雨

春半都無十日晴  
夜聽浙瀝竹燈明  
鄰僧鐘罷門初掩  
野戍烽寒柝屢驚  
筆墨總爲兒女計  
行藏難慰老親情  
封章且向天公問  
黃犢閒眠雨未耕

送鄭禹梅赴江南讀卷

年來南北幾飄零  
僮僕陽關亦慣聽  
正值烽烟遮客路  
能無書劍滯郊垌  
誤人舉業從頭白  
絕世奇才待眼青  
歲晚梅開吾望汝  
化安山下共傳經

耕田無力似游民  
岸却儒冠誤此身  
不爲雙親方作

客如何七尺尚依人  
手開文塚埋時艷  
力挽銀河洗瘴塵  
落落此懷又誰語  
與君只合毀蹄輪

重過西村讀書樓

客途殘夢憶斯樓  
再過淒然百感投  
鳥自告人春欲去  
山應見我暮生愁  
好書不復銷燈焰  
快論誰當覆酒甌  
領取臨風數竿竹  
拂苔掃石似相留

感舊

陣雲如墨潑遙天  
雨脚斜飛曲檻前  
只恐山桃落千片  
難禁堤柳困三眠  
提壺步履知何日  
側帽籠鞭記

昔年破驛燎衣還自笑壁間詩句故悽然

與友人論詩

自古論詩無別傳須知意象在言先眼中不捨千家  
錦筆底從教萬斛泉王李真成優孟假鍾譚亦是野  
狐禪肥纖濃淡俱邊見會得琴聲不屬絃

泛東湖

波添秋雨二十里村隱夕陽幾百家當事城居忘水  
利野人鰕菜作生涯肯除積藪爲高岸更插天桃映  
晚霞便與六橋相伯仲西湖雖好未須誇

雙雲堂詩稿卷五

五

將卜居綠野舉爲避兵之計

山牕四客一燈青世事于今歎未經太末兵戈連越  
嶠甌江烽火接東溟登樓大抵同王粲避地誰能似  
管寧商略負薪爲隱計腰鎌入谷聽丁丁

宿大慈寺

荒祠古冢憑高望亂竹禪房向晚行斷續風吹鐘愈  
好淡濃雲過月還明里儒信口爲詩句野衲迎人亦  
世情惟有空山知我意故飛小雨助溪聲

史丞相墓

千秋公論遺編久數畝荒墳宰木存冤憤終難消濟

邸禍機叵測爲新恩頭顱夜泣冬青樹

謂理宗

魂魄朝

歸綠野村

綠野舉爲丞相別業郡志有載死後還家事

應念平生南叔在

肯因宗袞一登門

從弟彌鞏字南叔真西山稱其終身不登宗袞之門

午後舟出水南門晚宿光溪大音菴

斜日輕舟出郭門晚同歸鳥入山村千林坐失春前  
色一水重添雨後痕壞壁有詩多漉滅老僧無語及  
寒溫我來踪跡如行腳蒲薦松牀倚石根

清音樓

雙雲堂詩稿卷五

六

清音樓上坐黃昏新月如鈎展一痕淡淡青山相對  
晤悠悠塵世復何論平生心膽思填海近日行藏欲  
灌園橘樹千頭桑八百不須抵死要名存

光溪天王寺

看山忽到天王寺老桂迎秋殿閣涼日落游僧趁粥  
鼓門開饑虎入經堂試嘗茗事甌全綠小摘林間橘  
半黃寺外一溪聲似筑臥聽我欲下禪牀

小院

小院軒牕半面開爐香一縷意悠哉新詩嬾爲凡花

詠野性愁妨俗客來  
漠漠曉風飛燕子  
斑斑細雨濕  
蕪苔  
明年此日人何處  
痛飲須教醮百杯

自作試卷口占

洗脂罷粉已多時  
偶爾逢場一戲之  
竿瑟難憑當日  
好蕭蘭終有寸心知  
慚如老妓歌桃葉  
笑比田丁唱  
竹枝  
若使天弢吾自解  
江風山月要徵奇

越寓

巷古泥深絕往還  
羈棲無客共開顏  
三春彈指今端  
午半月牽情爲吼山  
逢世文章多軟熟  
困人風雨亦  
清閒  
故園淨洗新桐葉  
竹簟疎陰坐掩關

雙雲堂詩稿卷五

七

壽吳丹霞七十

先生鶴髮人中仙  
誤落黃塵七十年  
杖掛酒錢時一  
飲  
壁粘詩句可成編  
註來草木陶弘景  
煉就丹砂葛  
稚川已遣兒曹經  
世事短筇五岳探  
蒼烟

沙磧道中

用正韻

馬毛蝟磔蒙寒雪  
竹轡雞棲畏朔風  
小食郵亭聊一  
宿  
久拋書卷空去聲  
三冬折腰道左  
慚官長  
曝背籬邊  
美老農  
念我年來頗解事  
行藏猶未信天公

尖漢書注小食

也是日滕  
縣迎詔使

都門與陳祖瑞話舊

疲驢同策十年前京洛緇塵歎復然一卷文章矜獨  
得半牕燈火借僧眠頭顱秋草難辭老裘馬春風總  
任天共憶鄉關戎馬迫且圖身計泛歸船

同鄭禹梅應完占向人千張亢友應麟昭南還  
舟發潞河有作

一月長安馬撲塵匆匆襪被潞河濱冬烘怕有商山

老

丙辰主司語同考  
云莫取商山四皓

春色還歸故國小驛孤城知

雙雲堂詩稿卷五

六

已別

張心友陳介眉送予獨遠

輕帆短棹僕僮親高談賸得諸公

在縱飲千巡岸角巾

東昌舟中追和莊定山先生韻

半艇雙扉似客居曲渠引權故徐徐柳棉入水春將  
盡麥穗沿堤歲有餘轉漕宜思賈讓策憂時欲讀魯  
連書文章小技今無用歸臥江村且釣魚

一月輕舸稱穩居眼中歷歷望青徐帆飛綠樹千村  
外家隔青山一髮餘靜聽疎簾誰落子倦思高枕我  
堆書鄰舟好友能相約南酒新烹活水魚

京塵瀕洞少寧居帆引輕風始覺徐不斷水聲疑雨  
過轉添野色是春餘倦游自悔思求友多病猶將學  
著書最是關心千里外白頭老母望雙魚

壽陳象新七十

故家喬木枕郊垌門對秋山萬疊青先世名登廉吏  
傳百年身是老人星春牕細譜評花格水閣閒箋相  
鶴經知是天公付清福不須真訣問黃庭

居隔先生一水間時來呼艇叩柴關趨庭有子雙相  
待投轄留賓一不還少憶前朝風物古老知今日歲  
華閒我詩難比南山句試遣僮歌未必刪

雙雲堂詩稿卷五

九

海寧紀異詩爲許西山夫子作

澤國孤城俯大荒颶風忽欲變滄桑千層浪影粘天  
濶萬里雷聲撼雪長坐覺精誠回海若不須民力創  
隄防行人伍相祠前過沙白山青自渺茫

海昌客舍步黃主一見示原韻二首

出處年來已信天但妨饑火俗塵牽安貧羨子承家  
學涉世如吾愧別傳避熱竈應宜更減慣寒袍亦不  
須憐從今老屋江鄉裏苦雪饕風閉戶眠

旅館殘燈發浩歌，雲天雁叫百班過。年光似水無還理，髣髴如霜奈老何。舉世但知尊卜式，一龕聊欲借維摩。輪贏且莫論千古，斂手推枰已較多。

再疊前韻一首

僻巷居停別有天，勝于岸上小舟牽。久無車轍容吾嬾，尚有詩筒待僕傳。壯不如人今復爾，貧原非病亦何憐。一條爍燭平生事，啼徹窗雞未肯眠。

查德尹寓樓招飲和韻

向晚僧廬早閉門，一燈促膝酒盈尊。坐無俗客成良

雙雲堂詩稿卷五

三

晤，案有新詩得細論。風急塔鈴常不斷，雪驕爐火乍難溫。此時共起懷人意，惜別匆匆感夢魂。時同寓者多歸

送仇滄柱先歸四明

客邸相逢每說歸，我留君去兩睽違。孤城雪岸舟初泊，古寺燈牕佛共依。作賦逐貧真計左，大言匡世又人微。故山尚有茆堂在，橡栗資生與世稀。

同陳大年過其從兄叔嗣自得軒夜坐和韻

三間老屋啓書龕，坐對殘燈得細談。腰似沈侯常看帶，髣如潘令不勝簪。枯桐隔世誰相賞，叔嗣出視周益公琴苦

李逢時亦自甘

時初食李

潦倒平生付杯酒且拚一枕睡

聲酣

圓通菴和韻

羈人日永臥空齋起向郊原一放懷春盡野花如霰  
落雨多蠟屐半泥埋路從竹院過松院身在山厓復  
水厓便擬結茅來住此長依佛火息塵骸

重過靈隱集玉山房和壁間黃冢宰韻

翠竹珠林晚尚開廿年曾此破蒼苔乍詢僧臘驚存  
沒未信禪心有去來得食饑飢隨葉落避人野鳥逐

雙雲堂詩稿卷五

五

溪回慚余擾擾風塵客一宿松牕念已灰

送查春谷任定海學博

廿年風雨共雞壇醉倚華簪欲別難自昔漢庭推博  
士至今 聖世重儒官雲開龍嶼橫青嶂潮落蛟門  
捍紫瀾我亦乘秋思北發看花遲爾到長安

贈何西園補任慈谿令

黍雨棠陰夾道穠舊從畿輔識花封

舊令行唐

方期間闔

徵黃霸又見鄉邦侯魯恭海澨連雲屯七校江田沐  
雨念三農知君保障無他事齋閣論文許過從

送詹學憲之江西

金門柳色勒春寒欲縮征輪別自難校士西江新建

節論文南國舊登壇壬子江  
南主考山迴鹿洞千峯盡水到

鷺湖萬頃寬李泐書堂今尚在好因攬勝一停鞍

己未出都志感

風簷明滅燭花殘土雜松烟硯半乾未必冬烘迷五色  
那堪矍鑠據雕鞍破琴行卷知誰賞墮甑儒冠不  
復看珍重故人相慰藉別情遙夜遶長安

羊裘絮帽遡風行高致輸他魯兩生抱瑟依然修故

雙雲堂詩稿卷五

三

業棄繻今又問歸程母容偕隱無難事婦肯安貧不  
爲名祇有奚童相耳語蹇驢辛苦出都城

次涿州城二首

又向春風別帝京征車輻輳涿州城十年楊柳今如

此辛亥余以讀卷  
宿此計十年矣一卷文章老未成擬啜殘羹歸竹

浦竹浦黃先生所居輔漢  
卿武夷山下啜殘羹誰思掌露出金莖依人襍

被江東去莫謂登樓感慨生

車驅涿鹿古城偏半壁青山落日圓鶯爲挾春啼廢  
苑燕思銜土掠荒田閉門種菜英雄老此日樓桑父

老傳

俱先  
主事

懷古莫將興廢論晚風颯颯起寒烟

句容送友人東歸

羈懷惜別又匆匆千里鄉關此意同  
少佇難禁燈燼落臨歧莫放酒杯空  
預愁歸棹逢寒雨故欲留人是晚風  
望眼春來堤柳畔只知送客過江東  
隔歲冰霜喜乍逢溪山何處不歡悰  
共攜秃筆拈殘墨每對孤燈話晚鐘  
驛路微風飛燕子春江夜雨舞魚龍  
此生吳會頻來往不厭茅堂數過從

再疊前韻

雙雲堂詩稿卷五

五

惻惻春寒歸思匆將行還喜一舟同  
圍爐醉酒人猶在孤館論文跡已空  
淑氣漸蒸寒食雨故人終勝石尤風  
長年三老頻回首旗脚鈴搖乍轉東  
相攜何似不相逢未別先尋別後悰  
去住真如一彈指夢魂猶隔五更鐘  
人情自古驚談虎天下誰非好畫龍  
歸去應須各努力他時載酒莫辭從

賦得小疾深居不喚醫用放翁句

小疾深居不喚醫越羅新製袂衣宜  
花從霧眼看逾好茶潏濤聲味更奇  
有客且教歌七發拋書總莫闌

三癡閒中清興無人會藥鼎風簾火自吹

冬至夜雪和韻 時在宛陵督學行署

緹室灰飛一片輕微陽散作雪花明遺臺老桂懸枝

重署中有桂樹甚古着雪可愛書壁疎燈照影清凍合山城驚歲

晚夢回剡棹欲宵征余家去剡百里衙齋絕似袁安宅臥聽

穿牕浙瀝聲

再疊前韻

玉龍酣舞六花輕萬里同雲夜轉明集霞樹從梁苑

白隨風曲自郢歌清王子孟穀楚人靈臺昨日書長至絕微

雙雲堂詩稿卷五

三

何時罷遠征欲繼東山賡雨雪媿無綵筆獻新聲

三疊前韻

飄零如雪一身輕鴻跡依稀也自明灑地玉花空爛

熨伴人燈火故淒清瞳瞳曉日消寒溜冉冉孤雲欲

上征院靜焚香讀義易螭龍子夜轉雷聲

四疊前韻

入夜回風上下輕凌晨萬瓦積空明占來雲物人皆

喜望去山川眼更清濁酒三杯澆落拓新詩七字困

輸征窮途忽作豪華事竹火松濤煮玉聲

五叠前韻

朔雪衝寒布被輕去年騎馬過春明曾看北闕雙龍  
曉遙對西山萬壑清身落江湖逢短日書憑鴻雁怯  
長征高堂爲我添衣線應念重棉夜剪聲

賦得百年喜見兩中秋時客遊鹽官

百年喜見兩中秋不盡秋香老桂幽天有餘分成晚  
節人逢涼月浣離愁深杯重把他鄉酒長笛頻吹何  
處樓便欲乘槎忽歸去故園原在海東頭

是夕陳叔嗣門兄招飲樹滋堂再賦

雙雲堂詩稿卷五

五

百年喜見兩中秋曲宴華堂綠蟻浮月欲盡情今夕  
照桂應連發萬花稠歌來聽慣霓裳曲是夕演劇槎度看  
多碧海流鹽州近海高會延緣忘作客荻花鳧渚滯歸舟

邳州除夕

行滕千里不辭難羅刹江頭雪正寒余來時錢塘大雪客路

飽經宜閉戶病懷如此尚征鞍叢殘書卷人俱老零  
亂鄉心歲又闌底事嶧陽齋閣裏一燈圍火話辛盤

辛酉元日同萬公擇遊邳州羊山寺

兩年薊北與江東今日徐邳又眼中斷續青山如去

馬飄零故國有歸鴻留侯祠宇沉河伯尼父僧寮作

寓公

河決邳城移宣聖神脾于羊山佛寺

我亦殘堤寄眠食與君一

咲問春風

登邳州廢城

康熙七年河決花山壩淹為巨浸

落日艤舟雉堞邊僮扶高處更凄然珠簾繡柱皆為

沼斷浦沉沙半是田鐘墮土埋蒙古字

城上鐵鐘是元時故物

碑殘雨洗孝陵年

州署戒石乃明洪武四年立

古人躍馬經營處

只有雙鳧挾子眠

金陵懷古

雙雲堂詩稿卷五

三

秣陵山色苑中收燕尾湖波不復流

金陵官門築一燕尾湖而成

自陪京營北極尚留清禁壓南州

離騷愛南州之炎性謂泛言南方也

毅宗自失開藩計

李忠文欲請太子開藩金陵

福邸終成禍國謀

謂馬士英劉孔昭不知擇賢立福藩也

誰向鍾山澆麥飯白頭老監哭

春秋

下邳返棹有懷勿齋門兄

論交四海孰為真爾我相期共一身領蓋班荆成故

事折腰齟齬看時人僧牕別語音如昨吳苑緘書墨

正新又向徐邳撥歸棹何時重與話風塵

贈周奕世

自昔雞壇意氣傾，今看磨盾賦西征。山川眼底千秋史，羽檄胸中十萬兵。真覺雕蟲爲小技，定知拊髀屬書生。角弓風勁乘秋發，肘後陰符夙已成。

送張子千

豹韜當日奏神京，賜出官袍組練明。推轂江淮宵鼓靜，移營荆楚夕烽清。戈船直溯灘聲轉，筆陣還看露布成。別後思君近巫峽，一杯誰與共論兵。

尚說西南戰壘增，蜀江門戶是夔陵。廟謨推轂知無

敵將畧摧鋒，羨獨能峽東。黃牛宜曉渡，關臨白虎試先登。聖朝他日思，頗牧優詔看。從幕府徵

韶光漸拂柳，條黃獵獵牙。旗戍遠方彩，鷓鴣晝飛雲。夢澤鐵衣春染芷，蘭香山來峽口千峯盡。水下黃陵萬里長，控制知君饒勝畧。坐聽談笑靖巖疆。

都門留別王有容

客裏相逢意轉親，鑪香茗椀過從頻。天涯不用彈長鋏，身世寧知剩角巾。隴樹秦雲流寓客，丹山赤水欲歸人。明年預擬排雞黍，爲待君來共結鄰。

壬戌感懷

書奏承明不見收十年猶戀黑貂裘尚慚賈誼流雙

涕

策對中欲危  
言而不果

已共張衡賦四愁寒食飛花思故國

曲江新柳別皇州蚤知繻棄仍須合底事柴車出遠  
遊

高堂白髮一筇扶北望長安眼欲枯綵服晝歸空想

像紡燈夜讀負勤劬且舉苜蓿當甘旨

時將隨  
例考教

旋製

斑斕學舞趨從此

親聞長得侍絕勝饑飽較侏儒

玉峰當代號龍門國士真慚未報恩屈指時流誰上

雙雲堂詩稿卷五

天

下賞心行卷客評論疲驢難策千盤險老鶴猶期萬

里鷺更有吳門雙眼在

謂顧彛  
樸先生

鎖闥摸索到黃昏

朔風絮帽赴春官一第其如蜀道難小草出山誠委

瑣好花逢雨亦摧殘金莖玉露無消息白石清溪有

考槃珍重故人來慰藉

許時菴余  
靖瀾諸君

敢言貢禹欲彈冠

秋至

井欄一葉下庭柯忽漫驚心歲月過暮景先從天外  
至秋風偏向客中多閒堦促織鳴涼露絕塞征鴻落  
遠坡我亦倦游歸未得故山松菊近何如

寄丁仲舒

昔時曾醉西湖月枕簟常懷舊草堂詩補南咳

仲舒堂名

雙老在樽如北海百憂忘往來唯有山長綠爾我相

看鬢欲蒼寄語兩峰三竺道今年芝草幾莖長

雙雲堂詩稿卷六

甬上筆山范光陽著

年家子鄭性閱

慈水寒村鄭

梁選

男廷諤廷彥較

七言律詩

倚樓聽學子讀書

卧疾湘簾不上鈎  
貪看山色又凭樓  
白雲堆裏藏高屋  
綠樹梢頭出小舟  
有客來過固自喜  
無人晏坐又何求  
老夫已被雕蟲誤  
聒耳書聲未肯休

晚行

雙雲堂詩稿卷六

一

葛衫浴罷出門行  
高樹猶留落照明  
跨犢村童隨草便  
得魚溪鳥沒波輕  
芙蕖雨過紅偏膩  
穉風微綠自平  
正好廻塘試脚力  
隔城又送晚鐘聲

樓居書懷

秋來何事不關愁  
愁極難禁獨上樓  
病葉漸稀山色見  
濕雲初散雨聲收  
人如倦翮朝慵出  
吟比寒蛩夜未休  
待得香銷燈盡後  
又歛孤枕聽漁謳

立夏

東風戀別曉鐘時  
不覺春光苒苒移  
庭樹陰濃花落

盡畫堂簾靜燕歸遲含桃村圃紅沾籠菽飯山厨滑  
滿匙更憶昔年逢此日亂鶯驛路共題詩

出句容城

筍輿泥濘出山城樹樹聽啼滑滑聲官柳未青猶禁  
冷溪梅欲白尚須晴頻年旅食愁無賴二頃荒田計  
可耕爲憶故鄉風物好畫船簫鼓過清明

曉發溧水縣

人去孤城破曉烟東阡南陌各依然雨多翻喜溪橋  
壯日出爭看樹杪懸袞袞便當隨世俗悠悠何必問  
蒼天客途只易衰雙鬢輕擲春光又一年

自高淳至宣城晚有月色

漸覺雲山次第深一溪夾岸盡疎林麥苗雨後初添  
色春鳥寒多不放音津吏但知迎過客窮途只合費  
閒吟多情忽有遙天月松徑泥融得細尋

是夕無火  
藉月色而

行

宛溪道中書所見

放眼晴光照客衣軟輿風慢疾于飛天公爲我聊相  
助山鳥呼人胡不歸深谷采蘭香滿徑野塘挑菜水

平磯此行非爲耽幽興悔別雙橋繞翠微

旌德道中

夾听蒼崕百里重溪聲何處不淙淙梯田待雨秋方  
熟水碓無人夜亦舂紙戶藤多工易就茶山土厚味  
嫌濃齊雲黃海尤奇絕更擬青鞋策短筇

海寧陳康侯初得舉雄之信率筆賦賀時康熙

丙寅禊日

鈴閣方傳禊事杯開械歡動忽如雷石麟天上初番  
送珠樹人間向晚栽排日已過湯餅會歸期莫待睟

雙雲堂詩稿卷六

三

盤開從今海畔高陽里閭簇荀龍次第來

客邸

如此春光客邸中一身猶自守雕蟲偶湔殘墨霜毫  
秃旋撥寒灰宿火紅江燕來歸初帶雨瓶花欲墮不  
因風悠然此際無餘事茶淪閩溪喚小童

發旌德縣

兩月南樓望眼明又携襖被一身輕喃喃乳燕留人  
住喔喔隣雞喚我行驚斷夢回鄉國遠喜聞天送客  
途晴此來百事難如意只有青山到處迎

青陽道中

十年草草客天涯此日情懷似轉佳霧歛好山皆半  
露風多遠樹忽全斜野童逐隊尋朝菌溪鳥無人啄  
落花便擬桃源應不異隔籬雞犬亦仙家

午睡

渴睡將書閣枕邊不知紈扇墮床前眼昏漸覺花難  
辨臂痛渾如柳欲穿啼徹午雞歸夢杳飛回雨燕客  
心懸家書半載何由到稚女癡兒倍黠然

寄諤兒濟南時余在淮安

雙雲堂詩稿卷六

四

淮南山左兩相望半載家書未得將春水雙魚元浩  
渺秋風旅雁自翱翔衰年無計惟思子中夜關心欲  
斷腸最是崇明僧寺裏片時分手意徬徨

去歲余携兒至句容

于崇明寺別去

昔年風雪青齊道老馬凌兢不耐寒賴有吾兒供咲  
語得逢地主具盤餐驚心上苑繁花落別恨秦雲隴  
樹攢又向歷山城下住何時燈火話團圓

壬戌公車携兒訪故

人長山令徐庭玉及下第後兒往隴右今又在濟南不勝離別之感

遊敬亭山

是日郡邑長吏候學院遊山故余詩有末句

堆几文章初輟筆，輕輿出郭便看山。自慚遠客留難久，始信孤雲去亦閒。萬壑松聲吹昨夢，一泓溪水洗塵顏。風流內史今何在，肯爲迎人翠轡間。

微雨卽事和韵

微雨巖城鼓角鳴，囂然扞陣似徵兵。花籌決勝人爭飲，茗椀除醒手自烹。老去敢矜麴部貴，年來已喜秫田耕。祇憑禮法容疎放，自笑書生醉膽橫。

發宣城一路風景甚佳

昭亭西去宛溪東，一路山川似畫中。霧欲歛時微露

日水初波處，正當風野橋。人過多牽馬，古寺僧歸自叩鐘。我亦渾忘身是客，軟輿領取莫匆匆。

耶况

乍晴還雨是梅天，客邸瀟瀟絕可憐。衣潤香篝常貯火，酒醒茶竈自添泉。篋中家信時開看，夢裏鄉關懶不前。忽聽兒童談故土，黃魚紫蛤不論錢。

巢湖守風暫憇回龍巷

水驛南風送客舟，巢湖誰識阻中流。勞人少憇憺寮靜，暑氣全銷竹影幽。去住祇應問三老，浮沉爭得似

雙鷗雞豚賽鼓荒祠裏巫覡何能遣石尤

江行又阻北風

江介今番又北風如山濁浪扼艤幢天公意與行人  
左客子心先逝水東倦倚危檣邀落月愁看弱纜繫  
垂虹去來且莫生欣怨身世悠然任轉蓬

余以病自京口復返吳門宿鄭寒村寓樓數日

漫成二首

雨中一宿桃花塢不謂京江復返舟老向春明增客  
夢病依僧寺慰離愁名山遯跡談何易光範陳書事

雙雲堂詩稿卷六

六

可休此夕與君商出處青熒熬火照床頭

寒村床上  
忽發火光

甚異

兩人踪跡頗相侔輾轍公車已白頭二十四年如電

影

余于甲辰歲與寒村  
定交今廿四年矣

一千里外共僧樓殘碑有字

驚前代廢塢無花感昔遊

寺有斷碑爲冠萊公記此  
也桃花塢唐伯虎故居

明日別君仍北發浮生聚散一沙鷗

高郵舟次

三年五度秦郵路依舊人家蘆荻邊四面貼天都是  
水一船坐我儼如仙無官那得折腰米有酒還思縮

項編預遣兒童作晚飯朔風打浪放高眠

送宗弟敬嗣之蒙城任

憶昔携書坐北樓傳經問字日優游觀光上國輕千  
里歷險中流共一舟

庚戌同入京舟覆黃河

老驥我猶衝朔雪

飛鳧君已到南州他年魏闕徵循吏始信家聲莫與

儔

送柯翰周年兄下第南歸

五度南宮不惜勤寒風蓆舍共論文

今歲南宮與翰周聯舍

暮

看樺燭花初落曉厭更樓鼓急聞特達珪璋君自愛

雙雲堂詩稿卷六

七

雲  
欽揚糠粃我徒云傷心分手都門地極目南鴻入暮

鷺老花殘又一春秋來匹馬別京塵奚囊尚貯凌雲  
賦襍被真歸故國人失路士多思卜式逢時客自滿  
平津遲君三載長安道會看驂騮剪拂新

陳中菴先生崇祀鄉賢

先朝恭定是名儒受業曾聞謹步趨

公受業于馮少墟先生之門

抱樹休徵因後母

王祥字休徵

散租叔則爲諸孤

裴蘊字叔則

經筵已勒千秋久  
綸誥今看五色敷我亦通家稱

世好長君與家兄甲辰同榜詩成社祭當吳歛

孫孺英先生九十壽

耳貂檠戟世家傳餘不溪深種大年書有伏生藏壁

簡伏生授書時年九十餘矣詩傳衛武賦賓筵武公九十賦賓一筵抑戒諸詩

門蘭玉羣英聚當代夔龍從子賢人瑞由來關氣運

珍從就問禮宜然九十者天子欲有問焉以珍從

雨後望禁中新柳館課

紫禁城西內苑邊萬條初柳雨餘天翠連太液池頭

草香引含元殿裏烟尚勒輕寒飛絮晚故留斜照舞

雙雲堂詩稿卷八

八

枝妍託根總藉鴻鈞力不用江潭悵昔年

田公世福者山西陽城人以明經爲楚宜城訓

導崇禎壬午秦寇陷宜城不屈而死其子七

善今爲吏部郎爲表其父死節事因作此詩

漢家博士下鄆城正值西秦寇盜橫大義千秋懸日

月微官一死媿公卿當年誰賦招魂句異代空傳報

國名惟有陳情憐令子特書青史紀忠貞

送王廉一世兄之滇南

春郊遲日柳垂絲玉節南馳正此時萬里蒼山寧避

遠十年黃閣本無私金沙江上蕃爲界鐵柱城邊漢  
有碑佇看旬宜應奏最械書先慰鳳皇池

宋射陵雙壽詩

中原耆舊半凋零鹽漬歸然尚典刑三徑清風人似  
菊兩臺明月客爲星室中鴻案真嘉耦堦下萊衣盡  
寧馨欲獻一尊南望久射陂湖水接天青

寄壽李翁

畫溪溪畔草堂寬有客披裘戴鶡冠小艇釣來烟柳  
綠矮窻吟就燭花殘名因自署羲皇上世亦同將靖  
節看駐日更知金骨換行來屏上響珊珊

送朱鹿原出守

朱旛畫戟擁行旌奕奕爭看出上京剖竹彤庭新拜  
詔含香粉署久知名鳳池兩世家聲遠鳥道千山宦  
跡清 聖主由來重民牧鋒車早晚下承明

呈玉峰徐夫子

昌期五百際明良棣萼芝蘭世澤長一代共誇門第  
盛九州爭識姓名香歐陽筆力追班馬伊洛薪傳異  
陸王 聖世儒宗推博雅試看 宸翰煥奎光

華蓋星辰逼禁林趨陪無暇解朝簪高文巨冊供揮  
灑前席橫經費討尋造席每陳天下計白頭今見老  
臣心蒼生但識皇恩渥默有維持雨露深  
中朝亞相壓諸司旋晉秋官掌獄詞曉日青蒲多駁  
奏深宵丹筆轉遲疑高名自古遭謠詠直道何能共  
詭隨獨有孤忠蒙帝鑒溫公書局許相携

玉峰當代號龍門吐握真看意氣存水必歸墟無別  
派山當拱岱獨稱尊六經蘊藉詞鋒峻一藝方呈咲  
語溫衣鉢獨慚傳兩地

中允夫子壬乙卯鄉闈  
今夫子爲戊辰總裁

可能

涓滴答深恩

壽陳年伯

名閥相傳共太丘久聞江介屬風流六朝舊事身披  
索四部遺書手較讐鳳闕蒲輪將汗漫鹿門筇杖且  
優游定知綵服趨庭日携得金莖掌露浮

壽友仲兄

司馬園亭瑞靄來崇蘭轉蕙壽筵開書藏脉望神仙

字

天一閣藏  
書甲天下

酒進麻姑漱灩杯門下傳經皆國士

辰

門士多階前換杖有奇才况逢花縣  
取大魁  
馳封日五色

天章爛熳裁

贈少司寇建安鄭公以處士殉節敬賦

絕學新安到建安餘風尚足砥頽瀾公輕一死猶如  
易義在千秋始覺難青史共傳真處士丹心不必爲  
高官貽家忠孝今賢嗣雙闕烏頭仔細看

壽封太史沈仲臨年伯

鴛湖車馬忽駢闐簇入華堂啓壽筵共憶尋親趨粵  
嶺只今投老在江天傳家忠孝推前烈起代文章有  
後賢誰作禾中耆舊傳如公端合冠青編

雙雲堂詩稿卷六

十一

中朝啓沃重詞臣令子臚傳第一人顏訓已知家學  
久韋經今對御筵陳金莖賜出三卮露紫誥頒  
來五色綸况復堦前紛玉樹應門行酒蹴花茵

康熙辛未二月以滿書散館得部曹自述

臨軒推擇入西清特詔同文課有程莊烏越吟元自  
便郢書燕說更難明生平性癖耽柔翰老去才疎媿  
管城衮衮玉堂留館客別傳戈法在諧聲

話

凡學滿書  
必先通滿

三年索米故應還自信升沉屬等閒敢謂才人出郢

署本無仙骨在蓬山撐腸文字今何用叉手詩篇盡  
可刪從此戴星親案牘草堂猿鶴笑人頑

莫謂前人意氣豪一官落拓亦蕭騷步兵任達謀杯  
酒白傳因貧乞戶曹隨分銓司流內外敢辭王事我  
賢勞黃塵馬首長安道只有山林得自高

欲望鄉關賦遂初士龍老屋枕郊墟舟居牽處都無  
水家具移來少似車

孟東野移居詩  
家其少于車

祿不逮親長已

矣貧原非病復何如祗應一報君恩後南畝携經  
且自鋤

張年伯母蔣太君七十時令子昆詒方成進士

旋里

昔年屢過鹽官道曾向華堂拜禮宗梁案自供三爵  
又潘輿徐度百花穠南宮近得泥金報北闕行頒  
紫誥封此日斑衣成綵服駢羅絲竹自春容

呈宛平王夫子

昌期五百際昇平元老功高燮理成獨藉鹽梅和鼎  
實盡收桃李八冰衡程材首與南宮選給札叨分東  
觀榮一自部曹親案牘含香猶媿舊知名

魚須笏在家傳久兔目枝高世澤存累葉三公今異  
數先皇一德昔沾恩坐叅密勿陪當展時奉褒  
嘉賜上尊纔下黃扉遊綠野別開東閣咲言溫

高郵吳年伯壽

十年三度過秦郵通德門前繫客舟爲說散金收楚  
奏登樓賦鍾儀幽而楚奏先生與長公萬子于兵後贖被俘難民如聞銜石抵陽侯  
高郵水災先生極力拯救故借用精衛填海事梁鴻有婦稱齊德荀淑諸郎  
盡勝流此日玉堂遙介壽賜來仙掌露華浮

輓房師少司馬西山許公

雙雲堂詩稿卷六

十三

韓陵洹水鍾名賢學有淵源是達天封事西臺留白  
簡談經內殿撤金蓮人生百歲皆須盡論定千秋自  
可傳最是傷心門下士較讐何日布遺編

辛未十月十二日 啟奏後得小疾漫賦

憶在西清靜往還自來粉署每朝天四更街鼓初  
櫛沐十里霜鞍敢晏眠盛世亦知從仕樂病懷只合  
在家便鑑湖賀監歸曾乞先語兒曹作釣船

劉筠屋民部六十壽

雞舌含香粉署清侵晨奏對向承明飛芻自壯軍儲

色冶粟兼聞內史名獻歲椒花初作頌盛時燈火夜  
傳觥一星南極關天象掌露新頒下玉京

送黃硯芝太史歸省

薊門柳色蘸清渠才子乘春出帝居製就斑衣宮錦  
樣携來花誥紫泥書鶯因送客啼今雨燕喜迎人返  
舊廬只爲西清催視草還朝驅馬莫躊躇

輓園菴趙侍御

當年慷慨捍孤城坐覺烽銷寇盜平花縣風清人笑  
語栢臺霜凜氣崢嶸誰知歲值龍蛇讖無復行驚聽  
馬聲寂莫西湖一坏土豐碑長爲勒新銘

送豫章某方伯

紫薇行省出中州百萬蒼生賴撫柔條教遠頒新洛  
邑恩波長繞舊河流諸生講席猶如宋父老謳歌亦  
似周自有鋒車徵召亟廟堂將拜富民侯

贈董會臣

遙遙華胄溯江都文采風流近所無客至行觴常夜  
半詩成刻燭在須臾閒窻自種三珠樹行笈將披五  
岳圖有子金門能作賦坐看掌露下天廚

輓座主大司寇健菴徐公

先生歸卧太湖濱社稷蒼生繫此身方仗雲霄扶日月忽騎箕尾上星辰九重眷顧勲庸舊四海交游涕淚新不是師門私嘆息國家失一老成人

在廷四岳正疇咨其奈皇天不憖遺名世文章光燄在當年 睿藻日星垂

先生歸時賜光燄萬丈四字

御書

可堪後命

持衡日正是臨終拜表時賈及幽泉應有待鄭公重爲勒豐碑

昔年追送出都門野店蒼茫白日昏淚灑郊原慚國

雙雲堂詩稿卷六

五

士

庚午春送別先生于長新店

書携史局荷

君恩身歸愈覺高

風遠事久方知公論存乍喜秋來陪杖履如何臯復已招魂

知己深恩逾骨肉賢人妖讖值龍蛇丁寧手澤餘箋素髣髴音徽在帳紗慟哭西州思謝傳傳經白髮老侯芭一官京邸真匏繫腸斷天南日影斜

感懷四首

少日飛騰志一官如今七載在長安人言仕宦身方貴我覺公家事更難謀國何能惟畫諾資生無計罷

追歡軟紅塵土東華路只有西山拄笏看

晨起肩輿入職方何曾畫省蒸爐香文書堆几供雙  
眼胥史盈堦列兩行已辦此身爲俗吏那知出郭有  
春光豐臺芍藥開都遍妒殺遊人簇隊忙

我本蕭疎丘壑姿道山推出縉雲司愛閒每被官程  
迫守拙何妨除目遲朝罷閉門辭熱客囊空無俸寄

癡兒散愁尚賴杯中物淨典春衣醉亦宜

家書每  
告窮

悠然清夢到家園紫蟹黃魚曉市喧 老母十年違

色養

乙丑先慈下世  
今正十年矣

孤兒千里斷羈魂潘輿此際添

雙雲堂詩稿卷六

十六

離恨毛檄他年灑淚痕

余明年例  
得乞郡

始憶不如家食好

高堂晨夕省寒溫

輓錢年兄

昔年蕊榜共題名握手相期意氣傾文字自矜金薤  
貴風儀如在玉山行墓前草宿人俱遠天上樓高賦  
已成獨有撫琴悲悼處春令詩句最關情

乙亥正月十七日開印還寓口占

臘雪春泥一月纔印牀封了恰重開正如村塾携書  
散又報先生上館來世法拘人無可奈官程刻日不

須催八年辛苦沾微祿隨分蠶鹽亦快哉

老向春官識姓名玉堂三載柝鈴清民曹曾共籌鹽

鐵樞部重來典踐更有事俱關今國計捫心難問

古人情不如歸去真成策何待林間送鳥聲不如歸去禽言

也

昔日論文意氣新名園轟飲卧花茵雲在樓黃過草堂皆論文飲酒

之誰知踪跡隨風絮不信光陰下阪輪里社交游能

有幾里中舊友止三四人而已京華朋舊尚相親姜西溟左我菴鄭寒村萬季野

徐戢齋皆一麾襍被知非遠又向并州憶故人余與寒村

不久即赴外任

公庭吏散寂無喧似水臣心晝掩門引睡只須書一

卷掃愁還要酒盈盆整冠偶爾趁迎客坐膝欣然且

弄孫去歲閏五月京邸得一孫但使此身能自在不論朝市與山

村

### 吸江樓晚眺

朱轡輾輾到孤城官閣凌虛晚照明未必簿書皆俗

吏且因山水得閒情龔黃美蹟吾何敢楊李遺風近

已更延津為楊龜山李延平所產地今其俗最悍多盜太息斯民多失業欲

惠布穀勸春耕

延津道中書懷

小聚山村五六家望樓高出水之涯

每五里一望樓以營兵守之

官船撾鼓春潮急戍卒鳴鑼晚日斜老去腰彎妨磬

折年來鬢髮換霜華故園莫道多岑寂賸有蜂衙兩

部蛙

歸自三山舟中遇雨

纔完吏事出榕城忽漫東風作雨聲雲乍起時千嶂

冥水初波處一舟輕牧童晚笛烟中遠村店春旗屋

雙雲堂詩稿卷六

六

角明稍喜此時無案牘且拈詩句慰閒情

余以行部至順昌信宿何洞菴東山草堂

種花選石結林泉闐闐塵中別有天念我久宜置丘

壑如君今始是神仙魚因得悟聽僧梵

園內有池傍僧舍游魚淺

潤可愛鳥為忘機伴客眠明發匆匆又歸去何時重約

看山緣

小酌後睡起作

山堂小酌雨淒淒睡覺依然日轉西節候陰晴原不

定衣衫單袂亦難齊雷掀百尺龍孫長風送數聲鳩

婦啼此景故園應不異勞薪苦爲一官稽

送涂叅議罷官還楚

昔年曾送劉叅議今日送君又遠行得失一官何足計是非此日不須明

因去官絮語不平

溪流百轉留船住山

色千遭繞岨迎惟有白鷗真自在浮沉來往逐波輕

壽何洞菴

東山信宿草堂寬修竹疎櫺枕簟安化蜀文翁曾造士歸田陶令不稱官佇看松巷蒲輪至更喜花關玉樹攢駐日久知金骨換行來屏上響珊珊

連夕夢鄭寒村欸語

憶別京華已六年定應雙髻亦蒼然君歸粵嶺無多日我滯延津尚各天睡裏笑顏頻入夢覺來苦思不成眠藥方新自漳南寄

時漳州太守衛南村寄送藥方

望眼音書報

病痊

謝鍾山七十

靜注黃庭對碧山相看七十正丹顏圍棋賭墅人俱遠夢草池塘句自閒青鳥曉銜仙篆古絳桃春映舞衣斑應門行酒俱蘭玉不獨荀龍杖履閒

與友人話別

故人携手別春風，黯淡重城夜雨中。隔市柳遮千縷碧，當樓燈燼一花紅。流光如此難辭老，文字何曾肯送窮。莫道天公終憤憤，放晴此意與人同。

舟中坐雨

岍崩草沒難成路，水到渠成盡入河。生計祇應作漁父，知音聊復託農歌。谷鶯困雨真無賴，堤柳重泥可奈何。獨坐孤篷轉岑寂，故鄉書信久蹉跎。

遣興

雙雲堂詩稿卷六

三

案牘無多吏自閒，便開東閣飽看山。漁舟泛泛清溪外，樵斧丁丁谷口間。乞種藥苗防小疾，愛斟米汁助衰顏。秋來大有登臨興，雲藏禪林一躋攀。

法雲華藏延郡東山

二寺名

辛巳元日

非賢那怕遇蛇年，小疾初平手足便。又是三陽趨拜舞，何堪七載竟遷延。歸心似雁長思北，拙計如鳩總任天。望眼燕山行騎至，稚孫宜下浙江船。

大兒在京未回長孫

從律以試事在家

辛巳上元後漫賦

落燈節後雨絲絲紫陌春回草綠時布穀催人宜下  
種提壺勸我且銜卮歸田自與農爲伍作吏羞稱法  
是師漢書薛宣曰吏道以法令爲師戴笠乘車同一飽殘年只合守  
柴籬

秋宵

秋宵睡覺正三更旋啟開門步月行隣舍織機燈已  
熄農船穫稻櫓猶鳴僮虛竹火茅柴村酒名熟婢糝藿  
鹽豉粥成便闔雙扉欣一飽又蒙布被養殘生

雙雲堂詩稿卷六

三

西郊曉行

布裘袖手到西村緩步田間曉日溫雀集禾場啄粒  
飽鷓翻相樹養雛喧掛冠今已還初服携杖何須羨  
左轡浩浩乾坤容我老故交能有幾人存

晚食

充安堂上竹燈明晚食諸孫列坐橫紫蟹擘斟桑落  
酒白菘添入芋魁羹三杯要識唐虞意康節詩唐虞揖讓三杯酒  
一飯寧忘君父情勸語兒曹書課亟斷齏畫粥有家

聲

築室

西郊擬欲築丘園，車駟誰思大里門。  
右列紡甌安婦女，左環書麗付兒孫。  
萬間子美長虛願，三徑淵明聊自存。  
更闢閒房勸秫酒，客來相對盡清尊。

夜起口占

高枕重衾睡正酣，窻雞啼覺意猶耽。  
呼燈起視爐灰陷，把盞沉吟茗味甘。  
往事關心如作夢，新交滿眼可誰談。  
祇應淨掃蹄輪迹，叔夜由來七不堪。

和鄭寒村半生亭韻

雙雲堂詩稿卷六

三

東南西北猶傾圻，造物何曾得自全。  
縱到期頤亦是寄，尚存一息豈無緣。  
絕長補短茅亭地，欲謝還開花氣天。  
且學堯夫四不出，任他眠食過年年。

立秋

歲序平分已半過，正逢一葉落庭柯。  
七年宦海驚心久，千里家山入夢多。  
老覺光陰如電火，閒看世態盡江河。  
祇應決計歸南畝，扶杖秋郊帶索歌。

憶昔

憶昔黃冠志未酬

乙酉丙戌連歲避兵山中寄同志書有當作黃冠爲一往不返之語

自櫻世網逐波流終年負米供親膳千里揄觚爲友  
謀自愧腐儒一第晚何期遠郡七年留而今投劾歸  
田里垂老猶思汗漫遊

蔬食

萊菔生兒菜甲黃老夫一飯未能忘筠籠採去乘朝  
露瓦鼎烹來供晚香餐菊陶潛歸栗里思尊張翰返  
江鄉始知食肉真堪鄙未許何曾得細嘗

先叔祖子容翁有別業曰函清館與先考贈

庶常府君及族伯父贈知縣木文公族兄聖

雙堂詩稿卷六

三

求處士稱爲四友日談笑其中余十餘歲時  
常侍左右賦詩有魚游碧藻波紋細烏宿高  
梧日影幽之句今館廢而全詩亦不復存矣  
感念疇昔爲賦此章

函清館廢已荒丘六十年前憶舊遊老屋三間最疎  
豁同宗四友自風流魚游碧藻波紋細烏宿高梧自  
影幽零落詩篇歸蠹簡不堪垂涕過西州

和鄭寒村招賞桂花原韵

不爲看花許再過文園善病問如何閒庭忽報天香

滿折簡相招喜色多小食已知能健飯清談聊復當  
高歌還期冰雪乘舟訪坐對春風氣自和  
先儒謂從周茂叔遊  
如在春風中坐了一月寒村有  
莫待冬寒相過之意故反言之

又東寒村

一歲今來三度過相看無奈白頭何息交總爲知心

少省事還因閱世多出處平生皆一轍  
余與寒村同戊辰榜自館

選以至守郡及今還里無一不相同笑談此夕且狂歌喜君眠食皆安

好更囑冬寒養太和

初冬

雙雲堂詩稿卷六

三

黯淡初冬朔氣橫凭樓時一望高城雨摧野柏青紅  
雜風捲江潮遠近平兩載家居雙鬢改半生行路寸  
心驚得閒今自刪詩句筮脯蔬盤獨舉觥

癸未除夕立春詰朝元旦且有述

解組歸來恰兩年  
余自壬午元旦日抵家正二年矣今朝拜舞只林泉

新春舊臘逢除夕舊雨新晴賴老天  
元旦且守歲且須

煨榾拙賣獸何必費金錢屠酥後飲休辭老七十年

前我飲先  
屠酥酒讓少者先飲以其得歲也

茅堂跌坐話前因歲轉星移又甲申回首滄桑成往

事前甲申明都爲李自成所陷半生咕吧痛雙親盈堦兒女徒催  
老挿架圖書未是貧草草辛盤聊一醉故交零落剩  
閒身

陳兼齋寫竹換得東洋茶花似牡丹中玉樓春  
而差小真異種也漫賦一律

東洋草木異中華今日驚看廉吏家

兼齋先世方伯公居官最清

寫得渭川千畝竹換將日本一株花玉樓國色勾紅  
粉金屋春風護碧紗

此花宜藏護得法

對此真爲木芍藥請

君莫認作山茶

雙堂詩稿卷六

三五

王石南七十初度和韵

三分春色一分留柳舞鶯歌縮去舟

初度在二月廿八日石兄有避

祝年之意初度正逢花作伴流年莫問雪盈頭閨中德曜  
稀齡竝堦下荀龍喜氣浮

與令正齊壽而有八孫同學肩隨余

正老霞觴此日共相疇

余長石兄五年禮云五年以長則肩隨之

不到南湖福地者三十餘年矣因過訪悟留上

人見山門佛殿煥然一新喜而賦此

昔日台宗轉法輪南湖蘭若對城闔中興賴有吾師  
在再過依然古刹新相國園亭今茂草同卿臺榭亦

前塵

寺右爲余文敏公飛蓋園左爲謝太僕寄園

舊遊不堪重回首始信

禪林尚有人

### 送諤兒之三山

自賦淵明歸去來晚燈盞粥共銜杯汝今慷慨行猶壯我自衰慵念已灰憶在龍津淹歲月忽如屬氣散樓臺吏民相見應相問爲報頭顱雪作堆

楊隣哉以康熙戊辰三月二十六日在會稽研

露館閣題名錄見僕首列南宮喜而賦詩今

甲申仲秋重錄見示以歲月計之蓋十有七

雙雲堂詩稿卷六

三

年矣幸和原韻以當華胥一夢

林泉歸卧歲華長詩句重貽翰墨香藥榜共看今貢士青衫原是舊書郎玉堂粉署皆陳迹劍浦朱轡又一方久已升沉付昨夢不須追憶費端詳

病中承王石南過晤小酌而去賦此誌謝

茆堂靜掩似山村客肯相過便啟門多病我方親藥累高情君竟破苔痕樽開臘酒聊須醉詩到殘年更要存

時余方編次近詩

若使此身仍在世縱談還擬共晨昏

病起

青藤杖在未須扶病起依然是故吾貌縱癯時神自  
王鬚緣白久鬢同枯老饕敢饜雞豚美獨醒相忘酒  
蓋無余方餽肉食而尚不宜於酒且欲養脾宜晚食園丁菜把軟  
如酥

病慰

今年何意病侵尋靜掩柴門對綠陰閒似老僧初退  
院嬾如倦鳥早投林廿年遊宦千端集一日歸田萬  
慮沉生固可欣死亦得貪嗔已了總無心

七言排律

雙雲堂詩稿卷六

七

甘母程太夫人者故雲貴總制忠果公之配蒙  
宸翰頒賜永貞二字以表母節茲值七袞悅辰敬  
賦里言呈賢嗣四明郡侯郢正

漢庭節鉞下滇陽忽值兵興肘腋傍大義千秋昭日  
月孤臣一念殉封疆逆藩終自膏齋斧勁節今茲紀  
太常 帝眷忠魂憐碧血天留壽母凜清霜昔年舉  
案稱賢淑此日垂簾訓義方晝荻午窻書几靜九熊丙  
夜漏聲長北堂毓質皆蘭玉東閣掄才盡棟梁共仰  
貞操占寶婺獨頒 宸翰煥奎光一門忠節真無偶

再世恩榮總未央  
海國幸逢賢刺史  
春醪齊進紫霞觴

雙雲堂詩稿卷六

三



雙雲堂詩稿卷六

皇清誥授中憲大夫福建延平府知府顯考筆山府君行

述

嗚呼痛哉我府君何遽棄不孝兄弟而仙逝耶不孝兄弟顛毛亦漸種種不能稍有樹立以報答罔極之恩今已矣無復望矣心摧腸斷尚何偷生人世徒以家慈高年在堂不敢遽從府君於九京又恐府君之德行文章宦跡鄉評其大且顯者皆已彰彰於耳目而宅心之無時不仁律已之無事不嚴有他人所不及知唯不孝兄弟趨庭侍膝微窺而悉知之若使湮沒不傳不孝兄弟尚得比於人數乎爰從昏迷之中縷述梗槩望大人先生哀而垂鑒焉府君諱光陽字國雯號筆山系出晉卿士會之後宋南渡時僕射諱宗尹公之仲子諱公麟公贅居於鄞是爲居鄞之始祖十四傳而至府君高祖素齋公諱瑋娶王孺人生二子長德泉公諱鉢娶柳孺人張孺人次邑庠生寰明公諱鏐娶唐孺人生二子長玉壘公諱大捷次子容公諱大振德泉公無子以玉壘公爲後娶陳孺人是爲府君之大父母玉壘公弱冠卽補博士弟子

員聰穎絕倫不但詩古文詞迥異流輩且於天文地理岐黃卜筮之書無不淹貫神會性慈仁好施與救災卹貧惟恐不及不孝兄弟猶憶幼時環繞膝下見玉壘公白髮銀髯焚香啜茗澆花種藥儼如神仙中人往來報札必蠅頭手書絕無一筆潦草談及忠孝節義之事娓娓不倦時訓不孝等曰正大光明慈祥寬厚乃立身治人之要小子終身誌之可也享年八十有六詳載省志孝友傳中府君中戊辰會元報至遠近喧傳皆曰善人之後必昌今乃信之蓋謂玉壘

行述

二

公之積德也玉壘公生三子長邑庠生勅贈徵仕郎翰林院庶吉士惟達公諱茂松娶勅贈孺人李氏次勅贈翰林院庶吉士誥贈中憲大夫福建延平府知府惟懷公諱汝楹娶王孺人次邑增生岳長公諱汝崧娶陸孺人惟達公生三子長伯父來一公諱復陽次府君次叔父國貞公諱浩而惟懷公以省覲玉壘公於維揚旅次捐館遺命以府君爲後時年六歲執喪盡禮一如成人十歲操筆爲文不矜奇不徇俗高古典贍華實並懋一時老生夙儒皆爲吐

舌十九歲督學李公拔入邑庠卽以大器目之二十歲贈徵仕公亦去世獨與伯叔父上事玉壘公次奉李孺人竭歷甘脆不敢以貧窶稍懈一時里中大家慕府君之文行爭延至家訓誨其子弟凡修脯所入盡奉伯父公用不敢毫釐私費也復念時文古文皆爲雕蟲小技不足竟吾儒之能事遂師事姚江黎洲黃先生講學論道近纘陽明念臺之傳遠溯濂洛關閩之緒以爲學必窮經因集里中宿儒爲五經之會府君窮源竟委加以心悟當辨論蜂起時一言折衷

行述

三

四座嘆服自此文日益富品日益高名日益重督學金公拔補廩生大廷尉惕菴崔公來守吾郡尤器重之一日燕見論文歡洽殊甚詢及府君生產及束修之多寡微諷府君曰聞君家計清寒授徒不給又夙有怔忡之症若再辛勤教讀殊非攝生之道肯向此間爲人緩頰卽百金無難也府君婉言謝曰明府念某貧病格外存注此段佳話自當垂之世世子孫但授徒謀食係書生分內之事若非分干謁不但上損廉明且恐稍有枉直使某終身追悔無及是以不敢

耳崔公肅然起立曰我不意君立品至此累向人言曰君子愛人以德吾於范某失言矣里中少宗伯立菴史公爲斯文宗主寡交遊慎許可獨推服府君延主家塾者數年少冢宰又弓胡公督學畿輔聘主校文未及竣任適聞玉壘公之變卽日易服奔喪時胡公倚托府君甚重如失左右手願以千金爲喪費稍俟任滿南還府君不顧也十赴省試乙卯科閣學果亭徐公薇垣巢雲王公爲主考少司馬酉山許公爲同考榜發得府君名驚喜異常時吾邑同榜爲怡庭

○行述

四

陳公滄柱仇公紹衣包公貞一萬公皆甬上名宿小錄至京立菴史公昌言於朝曰浙榜可謂得人矣以吾邑五君知之也方拭目以俟府君之飛騰而四上春官潦倒不第然一時賢士大夫反以得交府君爲重少司空吧瞻孫公讀府君行卷戲謂萬貞一年伯曰范年兄爲人何貪之至也萬年伯不解孫公笑曰行卷逼真元脉元度大有問鼎之意非貪而何觀察木齋劉公今大宗伯醒齋李公督學江左皆延府君總司校閱之事故大江南北奇材傑士多府君之識

拔迄今名元巨魁項背相望也府君奉事李孺人承  
歡養志無時無刻不以縈懷壬戌下第大司寇健菴  
徐公留訓子弟府君以李孺人年高鬱鬱不樂日夜  
思歸同譜好友或勸府君曰東海主持聲氣蒙其一  
顧者不啻登龍之慶今屬意君甚厚託以師資重任  
曷不勉留一二載以仰副雅意府君曰感恩知己誰  
實無之但念慈母年高晨昏遠隔寢食不安使得早  
回故里盡一日之子職雖九錫異寵不與易也言已  
聲淚俱下聽者慘然相國立齋徐公聞之語健菴徐

行述

五

公曰此端人也宜急遂其志府君遂南歸甲子冬月  
復值計偕之期府君依戀慈闈不忍束裝李孺人再  
三勗之曰汝六歲繼父去世二十歲復喪親父歿  
未亾人相依至今雖薦賢書未雋南宮我今年逾八  
十幸而康健汝年亦已五旬有餘宜及時努力以慰  
親心遂勉強北上而李孺人忽於乙丑正月二十七  
日逝世府君聞訃奔回哀慟逼切幾至滅性雖一切  
棺槨衣衾皆府君素備完好不因出繼旁委而終以  
不得親視含殮爲恨每一言及未嘗不淚涔涔下也

戊辰會闈議元時同考諸公皆以本房佳卷薦今春坊月川梅公亦以府君卷薦總裁相國宛平王公大司寇健菴徐公少司馬愚崑成公副憲山公鄭公見府君卷皆擊節嘆賞曰此烏珠矣烏珠者滿語第一也而同考諸公各爲其本房紛爭不已相國宛平王公曰余老矣久荒筆視不敢復言制舉文字惟是後場策問關係軍國大計者尚能辨之遂於燈下朗誦府君對策五道曰再有如此習熟典故切當世用者任諸君先之可耳議遂定榜發朝野皆以得人慶

行述

六

殿試二甲第一名賜進士出身 欽點翰林院庶吉士館閣會課平俄羅斯文表瀛臺賦春雨新柳諸詩皆以府君爲第一四方求文問字者趾踵相接而府君不自滿假不改寒素朝夕藿粥有儒生所不堪者府君安之如故寓邸兀坐唯焚香讀書夜漏三鼓一燈尚熒然也

皇上

特命館閣大臣慎選詞林十人充 諸王教讀府君以庶吉士不應與選諸大臣重府君材品列名第三上請引見之時

皇上玉音嘉獎謂此皆材學優長可以重用之人應留充  
日講官起居注其諸王教讀另選他僚一日日  
講缺員

皇上問及庶吉士可克任否意在府君也相國宛平王公  
以成例對遂止嗚呼府君以新進書生卽蒙聖恩  
垂注且館課漢文咸推第一而以年踰六旬於滿書  
滿語不能精習遂散館改授戶部山東清吏司主事  
歷陞本司員外郎兵部職方清吏司郎中時

皇上聖明獨攬乾綱於上閣部大臣協恭和衷於下諸曹

○行述

七

循分守職無所見材而府君廉退慈和無不以仁人  
長者目之然事有不可毅然廷爭不少假借奸棍某  
某囑托權貴求補行湖南兵亂時未銷鹽引府君念  
兩淮引壅商疲若再加以補行舊引必致重困不支  
力言於滿漢堂官今元輔馬公傳至私第慰勞再三  
謂不負職掌所言極是事遂得寢巡捕營叅將艾某  
俸滿應陞而權貴有以私憾嫉之者援引別案百計  
撻拾府君正色曰區區私憾何得假公以濟吾不能  
徇權要而廢國法行當回堂上聞矣艾某得陞金華

副將趨赴寓邸叩謝府君屏絕不見曰吾若市恩是與私憾抑之者一例矣其持正不阿若此府君之自戶部山東司主事而陞本司員外郎也同官郎中亦以俸滿推陞外府司中所轄商民吏胥盛飾梨園酬神者再一爲府君留司而謝一爲同官離司而謝福山人岳王公時爲大司農聞之笑語諸曹曰惟有感恩與積恨萬年千載不銷磨此段佳話又添本部一故實矣及陞兵部職方司郎中王公與大司寇阮亭王公總憲裕菴蔣公時俱爲少司農咨嗟嘆息以不

得復留府君爲恨語大司馬紹宇杜公曰吾部一大賢今至貴部矣共爲人愛敬若此乙亥二月推陞福建延平府知府大僚庶尹咸以府君名元重望應簡衡文校士之任顧乃一麾出守得此疲瘠小郡代爲府君扼腕府君怡然曰吾起家儒生以文字爲性命使得操尺一之柄較長絜短移風易俗固所深願然衡文特政事之一端耳今之太守古之諸侯於民甚親於事無所不轄報國寧人以無負平生之學問在此行矣奚容以瘠郡鄙之下車行香見學宮圯廢風

雨不蔽卽捐俸募資鳩工庀材不踰時而殿廡一新  
籩豆加飭且爲酌定祭品樂舞頒行屬邑使先師之  
大祭不等於注祀又脩延平四賢祠龜山道南祠徽  
國文公祠信國大忠祠凡忠孝節烈足以激勵邦人  
者無不次第葺治虔修祀事府君曰吾欲教民必有  
以默示之也延民好訟或小忿輕生或聚族格鬪多  
罄田園鬻妻子而不惜府君總大綱畧細故惟情理  
是論律例是守無論暮夜苞苴無隙可入卽權勢赫  
奕知交密切者欲干謁乞情一見府君自不忍言而

行述

九

退皆曰范公正人毋論言之不聽爲辱已甚卽言之  
而聽將視我爲何等人後此復何顏面見之耶乙亥  
丙子閩省叠罹旱荒沙縣饑民揭竿奪食至破堡殺  
掠官軍生擒八人株連四十三人總制郭公面授密  
檄令府君馳往發落意將盡置之死府君隔別審錄  
爲杖斃倡亂者四人荷校爲從者三人餘疑似四十  
餘人盡行縱遣後皆爲良民無復犯法將樂縣民余  
奇生兄弟亦以株連被獲縣詳邀功語多張皇郭公  
意欲斃之府君平心開釋三請不允改發巡道嚴審

府君適以勘荒抵省言及此事郭公曰我素知貴府爲讀書君子惟以不忍人之心行不忍人之政兩句說話亘於胸中但此等亂民留之必爲後患古人云殺一人而救千萬人正並行不悖也府君詳述審案謂此囚必無死法郭公聲色俱厲曰我不愛錢不聽情與貴府一樣所欲殺之者不過爲地方起見貴府何嗷嗷膠執也府君正色起對曰不愛錢不聽情原是居官分內之事若其人稍有一線之生必欲重法殺之恐其人不以殺之者不愛錢不聽情遂肯瞑目

行述

十

九泉也郭公頓霽顏色曰吾豈好殺惡生不近人情哉審若此貴府盍再訪其平日何如府君曰某就事言事故敢反覆瀆陳今已改批巡道自有主之者矣郭公曰總爲地方辦事何分彼此吾當對巡道言之令其一同確訪耳時同寅在座見府君出言激烈皆爲縮舌而余竒生兄弟遂得未減府君早晚公座皆有程度一日有大案發落應受杖責者四五十人辰牌已屆府君反攜幼孫于膝把筆教書遲回不出口孝兄弟未解何故良久出堂理事回語不孝兄弟曰

某某減責若干某某再減若干且我遲遲出堂汝輩亦知之乎今日發落各犯皆監禁踰年疋羸不堪雖每日計人給米不致飢餓但恐堂事太早朝飧不及彼枵腹受杖不致斃命乎不孝兄弟爽然自失知府君立心固仁而用意又何周也蓋府君於監繫各犯每日給米一升冬月給絮衣一件所以終府君任內從無一囚庾斃者至無情之詞原牒繳銷大案之解牽連先釋各上臺皆深信府君無他鮮有駁詰然府君嫉惡如讎摘伏如神古田縣劇賊林子文招集驍悍盤踞福建建邵之交肆出剽掠顧心懾府君威名不敢侵犯延境一日因報鄭某舊仇繫其二子而去府君曰此賊做水滸傳宋江行事常以私恩小惠邀結愚民及今不剪滋蔓難圖矣獨念賊巢深阻耳目衆多二三捕役不足以濟遂力言于郭公請發四府兵搜山會勦同寅有竊笑府君多事者郭公獨首肯曰此賊綽號弔眉烏吾廉訪已久非捕役所能致遂發兵會勦圍困半載子文食盡突走被擒至延仰視府君曰我多年縱橫莫敢誰何今明府以書生知兵

繫我于麾下命也論奏伏法四郡之民皆歡然曰此真如小范老子胸中有甲兵數十萬使我輩從此夜臥安枕皆府公賜也順昌縣監生葉某收租沙縣督責過嚴個人陸某率衆毆之訟師潘某復爲僞刻縣篆誣首葉某省檄提審歷經值季四官訊供一十三次皆坐罪葉某議將咨部褫革循例發府成招府君心獨疑之謂隔邑征租不應攜帶僞篆且篆形甚大盛殊之器甚小必有別情但時將一載審更多番官之詰問囚之應對皆已纖悉無漏所泥首稱寃者獨

行述

三

葉某一人而已遂密取縣卷翻閱見首呈上有代書潘某圖記詭以他事捕至訊之曰陸某首呈係汝代書汝見僞篆何物裹藏印殊何物盛貯同見者復有何人潘某錯愕不能對府君見其色變給之曰陸某已招認明確言造意僞刻皆汝所爲汝復何辨潘某遂盡吐實情另取一石與之面刻滿漢印文宛然無二卽日成招解省臬憲李公揖謝府君趨白督撫曰發奸摘伏又得之案外延府真以慈父而兼神君矣府君又培植名教優待前賢爲他人之所不肯爲明

季時撫州味艾王公以名孝廉守郡殉難府君特爲  
通詳置主附祀文信國大忠祠內郡中遺民及流寓  
老人泥首馬前曰我等目擊殉難甚烈不謂隔越五  
十餘載得遇明府孤忠獲表皆爲痛哭失聲大典永  
菴莫公守郡卒官貧不歸櫬藁葬東郊者四十餘載  
府君爲卜兆域置祭田設守墓人役且檄行屬邑曰  
子孫無存僚屬俱盡此舉實施恩于不報之地但使  
人知公論猶在廉吏不可爲而可爲耳聞者皆爲感  
泣蓋府君蒞延七載禁加耗革陋規一切無名之徵

行述

三

盡皆報罷復不事察察之明矯矯之行常大書廳事  
曰澹泊明志平易近民郡人遂有范外公之號誠實  
錄也鈴閣文書手自裁定內不假記室之捉刀外不  
許胥吏之下上其手惟與揀拔諸生論文賦詩歡若  
平交暇則單騎攜榼遨遊劍溪之東西名藍古蹟盤  
桓竟日若忘其身之爲郡侯者庚辰冬月偶感寒疾  
卽慨然曰知止不辱知足不殆此其時矣投劾乞歸  
督撫慰留不允懇請踰年方准題報而適以督徵屬  
縣錢糧未完部議降調府君聞報欣欣色喜曰歸吾

素志得免題請守候何樂如之卽日買棹歸里士民  
遮道哭送有越境不去者甲申二月不孝廷諤因總  
制金公召入幕府道出延郡士民爭來迎候曰公子  
至矣細問府君起居安好有感慕流涕者不孝賦詩  
四章謝之其三曰休官情比在官親見我欣如見使  
君細囑加飡憂薄宦爲言詩酒未全貧此時府君方  
健飯康寧誰知涉夏一病遂爾荏苒致劇耶吾族爲  
甬東著姓聚處西郊烟火相望不下千百家司馬東  
明公大叅印山公太守元辰公會齋公知縣海南公

行述

函

載瞻抑庵公銓部潞公公布政調垣公檢討介五公與中  
翰修園公知縣晨馭公科第蟬聯後先輝映府君獨  
舉會試第一人爲吾宗盛事并爲吾邑四百年來未  
有之盛事而府君儉樸謙抑未嘗以富貴加人并未  
嘗以學問驕人故當道顯宦縉紳先生親族朋友以  
及販夫鬻婦牧豎樵童言及府君皆起敬起愛衆口  
如一旣貴後稍積清俸卽於白鶴山左建來鶴庄以  
奉十世祖雲亭公之墓祭族祖思兼公與府君有師  
資之雅遺孤未娶府君捐俸助聘其他緩急有無從

無吝色府君爲文自言屢變而底于大家少之時馳  
騁名場驅策六朝爲應世之文壯之時辨別典制考  
究利弊爲用世之文及與梨洲黃先生遊得其指授  
又縱覽中原形勝博交四方英傑刊春華而存秋實  
直登八大家之堂而入子遷孟堅之室遂爲傳世之  
文有雙雲堂文鈔十二卷正在刊刻行世與章恭人  
齊眉偕老從無一事違顏生平不二色雖貴不畜姬  
侍歸田後不通謁官府不輕入市城一切家政盡付  
之不孝兄弟日與二三老友花前酌酒月下聯吟或

苾鞵布襪從一小奚童步訪知已不以爲勞不孝兄  
弟方謂耄耄期頤不卜可知乃去歲孟夏微患脾泄  
調攝數月已有起色孟冬中旬尚能呼朋買棹賞海  
棠于陸氏別業越日又過海會蘭若清談永日卽仲  
冬下旬不孝廷彥與不孝廷諤男從律錄科前列報  
至府君猶危坐廳事細詢親族等第前後笑談如故  
乃隔越月餘遂永棄不孝兄弟而仙逝耶府君課不  
孝兄弟甚嚴庭訓之外慎選名師如陳怡庭鄭寒村  
王近思諸先生皆命執經受業而鯁鯁告誡者總在

忠孝寬仁以紹家傳以培元氣今已矣尚何所稟承耶卒之前三日呼不孝兄弟及諸孫而告之曰吾以孤苦書生登巍科位方面行年七十有六汝兄弟幸已成立諸孫亦有漸露頭角者生寄死歸有何不足吾一生從無慙德去世後不許作浮屠法事不許學世俗迎喪違吾命者非孝也汝曹守吾平日之訓誨與玉壘公之遺言卽爲賢子孫矣言不及他卒之日如平人熟寐從無痛苦呻吟之狀嗚呼府君識力素定涵養極醇凡學問文章政事不愧古之大儒名臣

三

三

故能臨終不亂如此然不孝兄弟寸腸欲裂安能起九京而再望顏色乎府君由縣學生中乙卯科鄉試第四十五名戊辰科會試第一名殿試二甲第一名賜進士出身欽點翰林院庶吉士改授戶部山東清吏司主事歷陞本司員外郎兵部職方清吏司郎中福建延平府知府康熙二十七年恭遇覃恩例應勅授徵仕郎翰林院庶吉士力請移封本生父母故惟達公與李孺人亦得並榮泉壤康熙三十六年恭遇覃恩誥授中憲大夫生於前崇禎

